

Sarajevo, 30.4.2021.godine

Delegat Aner Žuljević  
Zastupnica Lana PrlićZA:  
BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM  
DOM NARODA  
n/r Predsjedavajućeg PD Parlamenta FBiH  
n/r Predsjedavajućeg DN Parlamenta FBiH

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Prilijeno: 06-05-2021			
Org. jed.	Broj	Priloga	Vrijednost
01- 02	02-	1052	21

15x

U skladu sa članom **172. Poslovnika** o radu Predstavničkog doma Parlamenta Federacije Bosne i Hercegovine, u skraćenoj parlamentarnoj proceduri podnosim:

**Prijedlog****Zakona o izmjenama i dopunama Krivičnom zakona Federacije Bosne i Hercegovine**

Molim vas da tekst Prijedloga zakona uputite Vladi Federacije BiH radi dostavljanja mišljenja u poslovničkom roku od 30 dana.

U prilogu Vam dostavljam tekst Prijedlog zakona.

S poštovanjem,

Lana Prlić, zastupnica  
Aner Žuljević, delegat

1. Name of the person  
 2. Address  
 3. Date of birth  
 4. Sex  
 5. Religion  
 6. Education  
 7. Occupation  
 8. Marital status  
 9. Date of issue  
 10. Validity

Name	Address	Date of birth	Sex

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
DELEGAT ANER ŽULJEVIĆ  
PREDSTAVNIČKI DOM  
ZASTUPNICA LANA PRLIĆ  
KLUB ZASTUPNIKA SDP BiH

(PRIJEDLOG)

ZAKON  
O IZMJENI I DOPUNAMA KRIVIČNOG ZAKONA  
FEDERACIJE BOSNE I HERCEGOVINE

Sarajevo, april 2021. godine

**ZAKON O IZMJENI I DOPUNAMA  
KRIVIČNOG ZAKONA FEDERACIJE BOSNE I HERCEGOVINE**

**Član 1.**

U Krivičnom zakonu Federacije Bosne i Hercegovine ("Sl. novine FBiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016 i 75/2017) u Glavi IX – Sigurnosne mjere, u članu 71. iza tačke e) dodaje se nova tačka f) koja glasi:

"f) zabrana pristupa sportskim takmičenjima".

**Član 2.**

Iza člana 78. dodaje se novi član 78a. koji glasi:

**Član 78a.**

**Zabrana pristupa sportskim takmičenjima**

- (1) Sigurnosna mjera zabrane pristupa sportskim takmičenjima može se izreći učinitelju krivičnog djela izazivanje ili učestvovanje u neredima na sportskim takmičenjima iz člana 323a. ovog zakona ili krivičnog djela Učestvovanje u tuči iz člana 174. st. 2. ovog zakona, kada postoji opasnost da će ponovo učiniti takvo krivično djelo.
- (2) Sigurnosna mjera iz stava 1. ovog člana može se izreći u trajanju koje ne može biti kraće od tri, a duže od pet godina računajući od pravosnažnosti sudske odluke, s tim što se vrijeme kazne zatvora ne uračunava u vrijeme trajanja ove mjere.

**Član 3.**

U Glavi XVI Krivična djela protiv života i tijela u članu 174. u stavu 1. iza riječi: "kaznom zatvora od" riječ: "tri" zamjenjuje se riječju: "šest".

Iza stava 1. dodaje se novi stav 2. koji glasi:

- (2) Ko krivično djelo iz stava 1. ovog člana učini povodom održavanja sportskog takmičenja neposredno prije održavanja ili za vrijeme održavanja ili neposredno nakon održavanja sportskog takmičenja, kaznit će se kaznom zatvora od tri mjeseca do pet godina."

#### **Član 4.**

U Glavi XXVII Krivična djela protiv opće sigurnosti ljudi i imovine, iza člana 323. dodaje se novi član 323a. koji glasi:

#### **Član 323a.**

##### **Izazivanje ili učestvovanje u neredima na sportskim takmičenjima**

- (1) Ko za vrijeme sportskog takmičenja na bilo koji način iskazuje ili potiče mržnju na osnovu rasne, nacionalne ili vjerske pripadnosti ili neke druge posebnosti, kaznit će se kaznom zatvora od tri mjeseca do tri godine.
- (2) Ko poziva i potiče na tuču ili na napad na gledaoce, službene osobe organizatora sportskog takmičenja, sportiste i druge učesnike u sportskom takmičenju, kaznit će se kaznom zatvora od tri mjeseca do dvije godine.
- (3) Ko učestvuje u tuči ili napadima na gledaoce, redare, službene osobe organizatora sportskog takmičenja, sportske i druge učesnike u sportskom takmičenju, kaznit će se kaznom zatvora od tri mjeseca do tri godine.
- (4) Ko oštećuje ili uništava dijelove sportskog objekta, te prijevozna sredstva i drugu imovinu prilikom dolaska, za vrijeme održavanja ili nakon završetka sportskog takmičenja, kaznit će se novčanom kaznom ili kaznom zatvora do jedne godine.
- (5) Ko neovlašteno uđe na teren na kojem se odvija sportsko takmičenje, kaznit će se kaznom zatvora do šest mjeseci.

#### **Član 4.**

Ovaj zakon stupa na snagu osmog dana od dana objavljivanja u "Službenim novinama Federacije BiH".

### **OBRAZLOŽENJE ZAKONA O DOPUNAMA KRIVIČNOG ZAKONA FEDERACIJE BOSNE I HERCEGOVINE**

#### **I - USTAVNI OSNOV**

Ustavni osnov za donošenje ovog Zakona sadržan je u odredbi člana IV A. 5. 20. 1. d. Ustava Federacije Bosne i Hercegovine kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

#### **II - RAZLOZI ZA DONOŠENJE**

U Federaciji Bosne i Hercegovine smo svjedoci da su sportska takmičenja vrlo često poligon za iskazivanje ili poticanje mržnje zasnovane na etničkoj i nacionalnoj netrpeljivosti, kao i za pozivanje i poticanje na tuču, odnosno napad na gledaoce, redare, službene osobe i druge učesnike, što nerijetko i rezultira ovim nasilničkim ponašanjima. Takva ponašanja za posljedicu imaju prekidanje sportskih takmičenja, uništavanje infrastrukture, ali i ozljeđivanje gledalaca, službenih osoba i sportista, te uništenje kako javne tako i privatne imovine. Nažalost, posljednjih smo godina svjedočili i ubistvima kao kobnoj posljedici ovakvih izgređa.

Navijačke grupe su dobro organizirane, te to nerijetko koriste i za organizirano činjene krivičnih djela van sportskih terena, kao što je to nedavni slučaj u Gradu Mostaru. Osim činjenice da se građani zbog osjećaja neisgurnosti sve manje odlučuju na posjećivanje sportskih takmičenja, osjećaj nesigurnosti je zbog ovakvih incidenata zastupljen i na mnogo širem prostoru od sportskih terena, a od slučaja Mostara, građani se nesigurno osjećaju čak i u svojim domovima.

Jedan od razloga sve češćih izgređa na sportskim takmičenjima i izgređa navijačkih grupa općenito je činjenica da Krivični zakon FBiH ne sadrži krivično djelo koje se isključivo odnosi na sportska takmičenja, a procesuiranje ovih počinitelaca za neko od drugih krivičnih djela se pokazalo nedostatno i neefikasno. Uvođenjem krivičnog djela izazivanje ili učestvovanje u neredima na sportskim takmičenjima naglasila bi se kažnjivost ovih radnji, čime bi se pozitivno utjecalo na njihovu prevenciju, ali i nadležnim organima olakšalo rasvijetljavanje i kažnjavanje počinitelaca istih. Osim propisivanja novog krivičnog djela izazivanje ili učestvovanje u neredima na sportskim takmičenjima, uvodi se i poseban oblik krivičnog djela Učestvovanje u tuči, na način da se će se kazniti ko ovo krivično djelo učini povodom održavanja sportskog takmičenja, što uključuje vrijeme neposredno prije, tokom ili neposredno nakon održavanja sportskih takmičenja.

Uz propisivanje krivičnog djela, ovom izmjenom i dopunama Krivičnog zakona FBiH uvodi se i sigurnosna mjera zabrane pristupa sportskim takmičenjima, kojom će se spriječiti da jednom osuđeni počinitelj ponovo počini isto krivično djelo.

### **III - OBRAZLOŽENJE PRAVNIH RJEŠENJA**

Članom 1. Zakona o izmjeni i dopunama Krivičnog zakona Federacije Bosne i Hercegovine u Glavi IX – Sigurnosne mjere Krivičnog zakona Federacije Bosne i Hercegovine dopunjuje se član 71. u kojem su navedene sigurnosne mjere, na način da se pod tačkom f) uvodi sigurnosna mjera zabrane pristupa sportskim takmičenjima.

Članom 2. Zakona o izmjeni i dopunama Krivičnog zakona Federacije Bosne i Hercegovine u Glavi IX – Sigurnosne mjere, iza člana 78. dodaje se novi član 78a. kojim se definira sigurnosna mjera zabrane pristupa sportskim takmičenjima koja se može izreći učinitelju krivičnog djela izazivanje ili učestvovanje u neredima na sportskim takmičenjima iz člana 323a. ovog zakona ili krivičnog djela Učestvovanje u tuči iz člana 174. st. 2. ovog zakona, kada postoji opasnost da će ponovo učiniti takvo krivično djelo. Stavom 2. je predviđeno trajanje mjere koje ne može biti kraće od tri, a duže od pet godina računajući

od pravosnažnosti sudske odluke, s tim što se vrijeme kazne zatvora ne uračunava u vrijeme trajanja ove mjere.

Članom 3. Zakona o izmjeni i dopunama Krivičnog zakona Federacije Bosne i Hercegovine u Glavi XVI Krivična djela protiv života i tijela mijenja se i dopunjuje član 174. na način da se u stavu jedan iza riječi: "kaznom zatvora od" riječ: "tri" zamjenjuje riječju: "šest", te se dodaje novi stav 2. kojim se propisuje da će se kazniti kaznom zatvora od tri mjeseca do pet godina ko krivično djelo iz stava 1. ovog člana učini povodom održavanja sportskog takmičenja neposredno prije održavanja ili za vrijeme održavanja ili neposredno nakon održavanja sportskog takmičenja.

Članom 4. Zakona o izmjeni i dopunama Krivičnog zakona Federacije Bosne i Hercegovine u Glavi XXVII Krivična djela protiv opće sigurnosti ljudi i imovine, iza člana 323. dodaje se novi član 323a. kojim se normira krivično djelo Izazivanje ili učestvovanje u neredima na sportskim takmičenjima. Članom 323a. stavom 1. propisano je da će se kaznom zatvora od tri mjeseca do tri godine kazniti ko za vrijeme sportskog takmičenja na bilo koji način iskazuje ili potiče mržnju na osnovu rasne, nacionalne ili vjerske pripadnosti ili neke druge posebnosti; stavom 2. da će se kaznom zatvora od tri mjeseca do dvije godine kazniti ko poziva i potiče na tuču ili na napad na gledaoce, službene osobe organizatora sportskog takmičenja, sportiste i druge učesnike u sportskom takmičenju; stavom 3. da će se kaznom zatvora od tri mjeseca do tri godine kazniti ko učestvuje u tuči ili napadima na gledaoce, redare, službene osobe organizatora sporskog takmičenja, sportske i druge učesnike u sportskom takmičenju, stavom 4. da će se novčanom kaznom ili kaznom zatvora do jedne godine kazniti ko oštećuje ili uništava dijelove sportskog objekta, te prijevozna sredstva i drugu imovinu prilikom dolaska, za vrijeme održavanja ili nakon završetka sportskog takmičenja; i stavom 5. da će se kaznom zatvora do šest mjeseci kazniti ko neovlašteno uđe na teren na kojem se odvija sportsko takmičenje.

Članom 5. Zakona o izmjeni i dopunama Krivičnog zakona Federacije Bosne i Hercegovine definirano je stupanje na snagu Zakona o izmjeni i dopunama Krivičnog zakona Federacije Bosne i Hercegovine.

#### **IV - FINANSIJSKA SREDSTVA**

Za provođenje ovog Zakona nije potrebno osigurati dodatna finansijska sredstva u budžetu Federacije BiH.

#### **IV – ODREDBE ZAKONA KOJE SE MIJENJAJU I DOPUNJUJU**

### **IX - GLAVA DEVETA SIGURNOSNE MJERE**

#### **Član 71. Vrste sigurnosnih mjera**

Učiniteljima krivičnih djela mogu se izreći ove sigurnosne mjere:

- a) obavezno psihijatrijsko liječenje;
- b) obavezno liječenje od ovisnosti;
- c) zabrana vršenja poziva, aktivnosti ili funkcija;
- d) zabrana upravljanja prijevoznim sredstvom;
- e) lišenje predmeta.

## **XVI - GLAVA ŠESNAESTA KRIVIČNA DJELA PROTIV ŽIVOTA I TIJELA**

### **Član 174. Učestvovanje u tuči**

Ko učestvuje u tuči u kojoj je neko usmrćen ili je drugom nanesena teška tjelesna ozljeda za samo učestvovanje u tuči, kaznit će se kaznom zatvora od tri mjeseca do tri godine.